

Laudato si'

DA ROMAN CAVIEZEL

■ **Miracila, in'unda verda ha generà dus sezs cotschens! Laudato si'! E tragguttà in verd fallà (cun sünnali) ed in mellen pulenta. Laudato si', mi Signore, tut spezial per la mirvegliusa multiplicaziun dals cotschens!** Quai è davai-ra in miracul pli che dign da la una sancta catolica et apostolica ecclesia. Ha gea il pontifex maximus en persuna e persunalmain declerà en la davosa enciclica ch'ìls eretichers da la midada dal clima sajan tuts tgutgs, stinads e tschocs. Tge? avain nus ditg, nus Grischuns tamazis, martullos – oh, stgisai – martuffels, suf-flegtìls? Il pli davos! Damai tuts be spüffs a votar. En num da Dieu halt er per verds e consorts. Ed uss avain nus la merda: Adia bels temps simpels e survesaivels, adia unda naira, Pauli da perlas, in segl in pop! Persuenter essan nus oz top up to date, e giain cun la Greta. Ella è noss nov idol, noss guru – perduna, char papa, ti es schon o.k.! – nossa Jeanne d'Arc. Pro-pi, la matta cun tarscholas ha raschun: La chasa è en flommas, er qua tar nus, i va per vita e mort da l'entira stgaffiziun. Dal pantoflet fin tar il piz Palü. En nossa tgu-tgudad avain nus fatg e faschain putgads cunter la mamma natira, tut a dubel e senza interrupziun: cun mangiar servalas e laschar nossas puschas ruppar e tretlar

si l'aria senza retegnientschas. Gea, sulet cun respirar producìn nus sezs CO₂ senza fin e misericordia.

Uschia è il collaps programmà, mann. Nature is angry, youguys, and strikes back (Guterres)! E per survivor e salvar il mund na basti betg da votar verd, nus duvrain urgentamain penetienza e cardientscha (papa dixit)... en la scienza e la tecnica! Il Dieu cristian è out, deplorablamain, aber na temair, per il salvament da l'olma nova, ecologica, è tut gia preparà: Empè dad ir a messa la dumengia, festivain nus cun noss confrars e nossas consoras da l'entir mund Friday for future sin via. Las baselgias vegnan recicladas e messas a disposiziun per in nov adiever.

Cool, nevaira? E sche vus vulais confessar voss putgads ecologics per as sentir moralmain cleans, è vegnì drizzà en la Climate-Confessions-Platform, accessibla 24/24. Finì cun babnoss e salidades, da qua d'envi datti be anc penetienzas ambientalmain nizzaivlas: Ego te absolvo – per penetienza fas ti la duscha be ina giada l'emda u... vendas l'SUV e cum-pras in trotti u... d'aventas vegan. La controlla vegn affidada a la nova Sontga Inquisiziun: l'Extinction Rebellion. Gra-zia, unda verda. Laudata si'! Alleluja!

L'autur è scolast da gimnasi pensiunà.

